

Vischnaunca da Mustér

**Reglament da salarisaziun
Biblioteca populara
Disentis/Mustér e contuorn**

2012

CUNTEGN

- Art. 1 En general
- 2 Collaboraturas e collaboraturs
- 3 Cumissiun
- 4 Spesas
- 5 Adattaziun alla carischia
- 6 Vigur

Sebasond sin il regulativ per la Biblioteca populara ed il regulativ d'indemnisaziun dalla vischnaunca da Mustér relai la suprastanza communal il suadont reglament d'indemnisaziun.

Art. 1 En general

¹La biblioteca populara ei ina impurtonta instituziun culturala, che vegn tgirada cun grond anim d'ina premurada equipa da collaboraturas e collaboraturs.

²Considerond la situaziun finanziaria astgan las indemnisaziuns annualas totalas buca survargar la summa da frs. 30'000.--.

³Aschinavon che quest reglament cuntegn buca prescripziuns specialas, vala il regulativ d'indemnisaziun dalla vischnaunca.

Art. 2 Collaboraturas e collaboraturs

¹Il team dalla biblioteca vegn indemnisaus sco suonda:

menadra: pauschala da frs. 500.-- per la direcziun e frs. 30.-- per
ura

collaboraturas cun
scolaziun da bibliotecaras: frs. 25.-- indemnisaziun per ura da lavur

collaboraturas e collaboraturs: frs. 20.-- indemnisaziun per ura da lavur

²La lavur d'emprest vegn indemnisada cun frs. 20.-- per ura e quei per tuttas collaboraturas e collaboraturs.

Art. 3 Cumissiun

Ils commembers dalla cumissiun vegnan indemnisai tenor il regulativ d'indemnisaziun.

Art. 4 Spesas

¹Las spesas sedrezzan tenor il regulativ d'indemnisaziun dalla vischnaunca, respectivamein l'ordinaziun cantunala corrispudenta.

²Viadis da personas singulas han da principi da succeder cun tren (2. classa, sche pusseivel risguardar las cartas dil di dalla vischnaunca). Viadis da pliras personas ensemen san era succeder cun auto.

³Ils quens ein da specificar tenor il formular cun aschuntar eventuais mussaments. Els vegnan visai dil president ni dalla menadra.

Art. 5 Adattaziun alla carischia

Las indemnisaziuns tenor art. 1 e 2 vegnan mintgamai adattadas alla carischia, sch'igl index naziunal dils cuosts da consumers semida per 10 puncts. Termin ei mintgamai igl emprem da schaner (stan emprem da schaner 2012 a 99.3 puncts, basa 2010). Las summas vegnan mintgamai rundadas si sin francs entirs.

Art. 6 Vigur

Quest reglament ei vegnius approbaus dalla suprastanza communal il 24 da settember 2012 e passa en vigur cun l'entschatta da schaner 2013.

Per la vischnaunca da Disentis/Mustér

Il president communal:
Dr. Dumeni Columberg

Il canzlist communal:
Andri Hendry